

四庫全書

子部

# 欽定四庫全書

子部

御製數理精蘊下編卷十

詳校官欽天監天文生臣司廷棟

靈臺郎臣倪廷梅覆勘

總校官檢討臣何思鈞

校對官五官靈臺郎臣陳際新

謄錄監生臣林桂森

欽定四庫全書

御製數理精蘊下編卷十

線部八

方程

和數類

較數類

附法

和較兼用類



方程

方者比也程者式也因設數齊其分以比方之定為已成之式凡法皆如之故曰方程蓋用互乘者所以齊其分使其首數皆同減盡而餘一法一實以得一數也法雖有三色四色以至多色不過累乘累減亦歸於一法一實而已其二色者設二行三色者設三行有幾色者必設幾行若三色設二行四色設三行即不可算若二色設三行三色設四行則其一行又可以不用是故解方程者又謂凡設數必成方而後

可算也然其要總在於分和較和數相比者則互乘而相減較數相比者古人定為正負之名以辨加減異同之號正負異號則相加正負同號則相減其理與盈朒同蓋正者為主之數負者虛比之數其始也任以首色為正互乘衆色與首色同類者皆正也與首色異類者皆負也其繼也以互乘所得之數視正負之同異而加減之然加減之餘又有正變為負負變為正者總之因彼此而分正負由多少而成虛實互乘之後任以一層為主凡異號相加者悉依本層

其號皆不變也若同號相減者本層多其號亦不變  
本層少反減者則正變為負負變為正蓋此多則彼  
少彼少則此多也至於首色減盡則第二色即為首  
色故加減之後首色為負者悉變之以便互乘加減  
始不紊也今定為例和數者不用正負之號較數者  
則用正負之號和較兼用者和仍不用正負之號而  
較則用之和較交變者則隨其法而辨別之以定其  
號焉或有非方程之本法而可以方程算者則又別  
為設問以附其後古人所謂以御錯糅正負者庶乎

盡於此矣

和數類

設如馬四匹牛六頭共價四十八兩馬三匹牛五頭  
共價三十八兩問馬牛各價幾何

銀	牛	馬
四八	六五	四三
三八	二〇八	一二二
一五二	二〇八	一二二
一四四	〇二	〇〇
〇〇八		

法以馬四匹牛六頭共價四十八兩列  
於上馬三匹牛五頭共價三十八兩列  
於下乃以上馬四匹遍乘下馬三匹牛  
五頭價銀三十八兩得馬十二匹牛二  
十頭價銀一百五十二兩又以下馬三



銀	牛	馬
四八	六五	四三
三八	二〇	一二
一五二	一八二	一二〇
一四四	〇二	〇〇
〇〇八		

匹遍乘上馬四匹牛六頭價銀四十八  
 兩得馬十二匹牛十八頭價銀一百四  
 十四兩兩下相較則馬各十二匹彼此  
 減盡牛二十頭內減十八頭餘二頭價  
 銀一百五十二兩內減一百四十四兩  
 餘八兩爰以餘牛二頭除餘銀八兩得  
 四兩卽牛每頭之價以牛五頭乘之得  
 二十兩為牛五頭之共價於馬牛共價  
 三十八兩內減去二十兩餘十八兩為

銀	牛	馬
四八	六五	四三
三八	五	三
一五二	二〇	一二
一四四	一八	一一
〇〇八	〇二	〇〇

馬三匹之共價以馬三匹除之得六兩  
卽馬每匹之價也此法蓋以首色二數  
遍乘各數使其分數齊等卽互乘齊分  
之理故馬四匹遍乘馬三匹牛五頭價  
銀三十八兩則為各增四倍馬三匹遍  
乘馬四匹牛六頭價銀四十八兩則為  
各增三倍兩下各色既俱各增倍分則  
其比例皆同是故馬兩下相平而減盡  
無餘牛兩下相減餘二頭價銀兩下相

銀	馬	牛
四八	四三	六五
三八	二〇	三〇
二四〇	一八	三〇
二三八	〇二	〇〇
〇一		

減餘八兩是為相當之數蓋一百五十  
二兩內減去一百四十四兩即減去馬  
十二匹牛十八頭之共價而所餘之八  
兩為牛二頭之價也

又如以牛數列於前馬數列於後則先  
得馬價法以牛六頭馬四匹共價四十  
八兩列於上牛五頭馬三匹共價三十  
八兩列於下乃以下牛五頭遍乘上牛  
六頭馬四匹價銀四十八兩得牛三十

銀	馬	牛
四八	四三	六五
二四〇	二〇	三〇〇
二八二	一八二	三〇〇
〇一	〇二	〇〇

頭馬二十匹價銀二百四十兩又以上  
牛六頭遍乘下牛五頭馬三匹價銀三  
十八兩得牛三十頭馬十八匹價銀二  
百二十八兩兩下相較則牛各三十頭  
彼此減盡馬二十匹內減十八匹餘二  
匹價銀二百四十兩內減二百二十八  
兩餘十二兩爰以餘馬二匹除餘銀十  
二兩得六兩卽馬每匹之價以馬三匹  
乘之得十八兩為馬三匹之共價於牛

銀	馬	牛
四八	四三	六五
三八		
二四〇	二〇	三〇
二二八	一八	三〇
〇一二	〇二	〇〇

馬共價三十八兩內減去十八兩餘二十兩為牛五頭之共價以牛五頭除之得四兩即牛每頭之價也此法用互乘後則牛兩下相平而減盡無餘馬兩下相減餘二匹價銀兩下相減餘十二兩即為相當之數蓋二百四十兩內減去二百二十八兩即減去牛三十頭馬二十八匹之共價而所餘之十二兩為馬二匹之價也大凡方程之法各色俱可以

更互相求者皆如此類也

設如緞二疋紗六疋絀八疋共價八十四兩緞一疋  
紗四疋絀七疋共價六十兩緞三疋紗五疋絀九  
疋共價九十兩問緞紗絀各價幾何

銀  
四六〇  
一〇  
八四  
〇三六

絀  
八七  
一四  
〇八  
〇六

紗  
六四  
八六  
二

緞  
二一  
二二  
〇

法先以緞二疋紗六疋絀八疋共價八  
十四兩列於上緞一疋紗四疋絀七疋  
共價六十兩列於下乃以上緞二疋遍  
乘下緞一疋紗四疋絀七疋價銀六十  
兩得緞二疋紗八疋絀十四疋價銀一

銀	四六〇	一〇八四六	一〇八四六	一〇八四六	一〇八四六
紬	八七	一四八六	一四八六	一四八六	一四八六
紗	六四	八六二	八六二	八六二	八六二
緞	二一	二二〇	二二〇	二二〇	二二〇

百二十兩又以下緞一疋遍乘上緞二  
 足紗六疋紬八疋價銀八十四兩仍得  
 原數兩下相較則緞各二疋彼此減盡  
 紗八疋內減六疋餘二疋紬十四疋內  
 減八疋餘六疋價銀一百二十兩內減  
 八十四兩餘三十六兩卽為紗二疋紬  
 六疋價銀三十六兩也而緞既兩下相平  
 為相當之數蓋一百二十兩內減去八  
 十四兩卽減去緞二疋紗六疋  
 之共價而所餘三十六兩為紗二疋紬

銀	紬	紗	緞
六〇	七九	四五	一三
九〇	二一	二五	三三
一八〇	一九	〇七	三〇
九〇	一二		
〇〇			

六尺之次以緞一疋紗四疋紬七疋價共價也銀六十兩列於上緞三疋紗五疋紬九疋價銀九十兩列於下乃以下緞三疋遍乘上緞一疋紗四疋紬七疋價銀六十兩得緞三疋紗十二疋紬二十一疋價銀一百八十兩又以上緞一疋遍乘下緞三疋紗五疋紬九疋價銀九十兩仍得原數兩下相較則緞各三疋彼此減盡紗十二疋內減五疋餘七疋紬二



銀	紬	紗
三六	六	二
九〇	一	七
二五	四	一
二	二	四
一八	四	一
〇	二	〇
七二	八	〇

十一疋內減九疋餘十二疋價銀一百  
八十兩內減九十兩餘九十兩即為紗  
七疋紬十二疋價銀九十兩也  
而減盡無餘則所餘紗七疋紬十二疋  
價銀九十兩即為相當之數蓋一百八  
十兩內減九十兩即減緞三疋紗五疋  
紬九疋之共價而所餘九十兩為紗七  
疋紬十二疋於是將兩次所得之餘作  
之共價也  
二色方程算之其紗二疋紬六疋價銀  
三十六兩列於上紗七疋紬十二疋價  
銀九十兩列於下以下紗七疋遍乘上

銀	紬	紗
三六	六二	二七
九〇	一二	一四
二五二	四二	一四
一八〇	二四	〇〇
〇七二	一八	

紗二疋紬六疋價銀三十六兩得紗十  
四疋紬四十二疋價銀二百五十二兩  
以上紗二疋遍乘下紗七疋紬十二疋  
價銀九十兩得紗十四疋紬二十四疋  
價銀一百八十兩兩下相較則紗各十  
四疋彼此減盡紬四十二疋內減二十  
四疋餘十八疋價銀二百五十二兩內  
減一百八十兩餘七十二兩爰以餘紬  
十八疋除餘銀七十二兩得四兩即紬

每疋之價以紬六疋乘之得二十四兩  
為紬六疋之共價於紗紬共價三十六  
兩內減二十四兩餘十二兩為紗二疋  
之共價以紗二疋除之得六兩即紗每  
疋之價也以緞二疋紗六疋紬八疋共  
價八十四兩計之則紗六疋共價三十  
六兩紬八疋共價三十二兩紗紬共價  
為六十八兩於共價八十四兩內減六  
十八兩餘十六兩為緞二疋之共價以

緞二疋除之得八兩即緞每疋之價也  
設如有上中下三等入戶納糧上等五戶中等十二  
戶下等三戶共納糧一石二斗六升又上等四戶  
二等二戶共納糧五斗二升又中等二十戶下等  
二十五戶共納糧一石五斗問上中下三等每戶  
各納糧幾何

法先以上等五戶中等十二戶下等三  
戶納糧一石二斗六升列於上上等四  
戶

因無中等故作空位以存其分餘仍對位列之

下等二戶納

糧	下	中	上
六二	三二	二〇	五四
五二	二	〇	四
五〇四	一二	四八	二〇
二六〇	一〇	〇	二〇
二四四	〇二	四八	〇〇

糧五斗二升列於下乃以下層上等四  
戶遍乘上層上等五戶中等十二戶下  
等三戶納糧一石二斗六升得上等二  
十戶中等四十八戶下等十二戶納糧  
五石零四升又以上層上等五戶遍乘  
下層上等四戶下等二戶納糧五斗二  
升得上等二十戶下等十戶納糧二石  
六斗兩下相較則上等各二十戶彼此  
減盡中等四十八戶無可減仍得四十

上五 四	中 一二 〇	下 三 二	糧 一二六 五二
二〇	四八	一二	五〇四
二〇	〇	一〇	二六〇
〇〇	四八	〇二	二四四

八户下等十二户内減十户餘二户納糧五石零四升内減二石六斗餘二石四斗四升即為中等四十八户下等二户共納糧二石四斗四升也

上相等既兩下相等而減盡無餘則所餘中等四十户下等二户納糧二石四斗四升即為相當之數蓋五石零四升内減二石六斗即減去上等二十户下等十户之共糧數而所餘二石四斗四升為中等四十八户下等二户之共糧數也既得中等四十八户下等二户之二色則中等二十户下等二十五户亦即為二色故

中	下	糧
四八	二	二四四
二〇	二五	一五〇
九六〇	一二〇〇	七二〇〇
九六〇	四〇	四八八〇
〇〇〇	一一六〇	二三二〇

即作二色方程算之其中等四十八戶  
 下等二戶納糧二石四斗四升列於上  
 中等二十戶下等二十五戶納糧一石  
 五斗列於下乃以上層中等四十八戶  
 遍乘下層中等二十戶下等二十五戶  
 納糧一石五斗得中等九百六十戶下  
 等一千二百戶納糧七十二石又以下  
 層中等二十戶遍乘上層中等四十八  
 戶下等二戶納糧二石四斗四升得中

中	下	糧
四八	二	二四四
二〇	二五	一五〇
九六〇	一二〇〇	七二〇〇
九六〇	四〇	四八八〇
〇〇〇	一一六〇	二二二〇

等九百六十戶下等四十戶納糧四十  
 八石八斗兩下相較則中等各九百六  
 十戶彼此減盡下等一千二百戶內減  
 四十戶餘一千一百六十戶納糧七十  
 二石內減四十八石八斗餘二十三石  
 二斗爰以所餘下等一千一百六十戶  
 除餘糧二十三石二斗得二升即下等  
 每戶納糧之數以下等二戶乘之得四  
 升為下等二戶納糧之共數於中等下



等共納糧二石四斗四升內減四升餘  
二石四斗為中等四十八戶納糧之共  
數以中等四十八戶除之得五升即中  
等每戶納糧之數以上等四戶下等二  
戶共納糧五斗二升計之因無中戶則  
故省一次  
下等二戶共納糧四升於五斗二升內  
減四升餘四斗八升為上等四戶納糧  
之共數以上等四戶除之得一斗二升  
即上等每戶納糧之數也

設如有銀賞四等人各不知數只云一等一人二等  
二人三等三人四等四人共賞銀三十兩又一等  
二人二等三人三等四人四等五人共賞銀四十  
四兩又一等四人二等五人三等七人四等八人  
共賞銀七十七兩又一等六人二等五人三等四  
人四等二人共賞銀六十六兩問每等人各賞銀  
幾何

法先以一等一人二等二人三等三人  
四等四人共銀三十兩列於上一等二

銀  
三〇四  
六〇四  
六

畧  
四  
五  
八  
五  
三

畧  
三  
四  
六  
四  
二

畧  
二  
三  
四  
三  
一

畧  
一  
二  
二  
二  
〇

人二等三人三等四人四等五人共銀  
四十四兩列於下乃以下一等二人遍  
乘上一等一人二等二人三等三人四  
等四人共銀三十兩得一等二人二等  
四人三等六人四等八人共銀六十兩  
又以上一等一人遍乘下一等二人二  
等三人三等四人四等五人共銀四十  
四兩仍得原數兩下相較則一等各二  
人彼此減盡二等兩下相減餘一人三

銀	等四	等五	等六	等七	等八
三〇	四	五	六	七	八
四	四	四	四	四	四
六	四	四	四	四	四
四	四	四	四	四	四
一	六	三	二	一	〇

等兩下相減餘二人四等兩下相減餘

三人共銀兩下相減餘一十六兩即二

等一人三等二人四等三人共銀十六

兩也蓋六十兩內減四十四兩即減去

一等二人二等三人三等四人四

等五人共銀數故所餘之十六兩為

二等一人三等二人四等三人之共銀

數次以一等二人二等三人三等四人

四等五人共銀四十四兩列於上一等

四人二等五人三等七人四等八人共

銀七十七兩列於下乃以下一等四人

銀 四七	零五 八	零四 七	零三 五	零二 四
六 七	二 六	一 四	一 〇	八 〇
五 四	一 〇	〇 二	〇 二	〇
二 二	〇 四	〇 二	〇 二	〇

遍乘上一等二人二等三人三等四人  
 四等五人共銀四十四兩得一等八人  
 二等十二人三等十六人四等二十人  
 共銀一百七十六兩又以上一等二人  
 遍乘下一等四人二等五人三等七人  
 四等八人共銀七十七兩得一等八人  
 二等十人三等十四人四等十六人共  
 銀一百五十四兩兩下相較則一等各  
 八人彼此減盡二等兩下相減餘二人

銀 四四 七七	等 五八	等 四七	等 三五	等 二四
一七六 一五四 〇二二	二〇六 一六 〇四	一六四 一四 〇二	一二〇 一〇 〇二	八八〇

三等兩下相減餘二人四等兩下相減  
餘四人共銀兩下相減餘二十二兩即  
二等二人三等二人四等四人共銀二  
十二兩也蓋一百七十六兩內減一百  
五十四兩即減去一等八人  
二等十人三等十四人四等十六人之  
共銀數故所餘之二十二兩為二等二  
人三等二人四等四人四人共銀數也次以一等四人二等  
五人三等七人四等八人共銀七十七  
兩列於上一等六人二等五人三等四  
人四等二人共銀六十六兩列於下乃

銀 七 六	等 八 二	等 七 四	等 五 五	等 四 六
六二 二六 四一 九八	四八 八 四〇	四二 一六 二六	三〇 二〇 〇	二四 二四 〇〇

以下一等六人遍乘上一等四人二等  
五人三等七人四等八人共銀七十七  
兩得一等二十四人二等三十人三等  
四十二人四等四十八人共銀四百六  
十二兩又以上一等四人遍乘下一等  
六人二等五人三等四人四等二人共  
銀六十六兩得一等二十四人二等二  
十人三等十六人四等八人共銀二百  
六十四兩兩下相較則一等各二十四

銀 七 七 六	等 八 二	等 七 四	等 五 五	等 四 六
四 六 二	四 八 八	四 二 六	三 〇 二 〇	二 四 二 四
二 六 四	四 〇	二 六	一 〇	〇 〇
一 九 八				

人彼此減盡二等兩下相減餘十人三等兩下相減餘二十六人四等兩下相減餘四十人共銀兩下相減餘一百九十八兩即二等十人三等二十六人四等四十人共銀一百九十八兩也蓋四等二十兩內減二百六十四兩即減去一百二十四人二等二十人三等十六人四等八人共銀數故所餘之一百九十八兩為二等十人三等二十六人四等四十人之共銀數也於是將三次所得之餘作三色方程算之先以二等一人三等二



銀六二二二一〇	算三四六四二	算二二四二二	算一二二二〇
---------	--------	--------	--------

人四等三人共銀十六兩列於上二等  
 二人三等二人四等四人共銀二十二  
 兩列於下乃以下二等二人遍乘上二  
 等一人三等二人四等三人共銀十六  
 兩得二等二人三等四人四等六人共  
 銀三十二兩又以上二等一人遍乘下  
 二等二人三等二人四等四人共銀二  
 十二兩仍得原數兩下相較則二等各  
 二人彼此減盡三等兩下相減餘二人

銀六二  
一  
二  
三  
二  
二  
〇

等三四  
六  
四  
二

等二二  
四  
二  
二

等一二  
二  
二  
〇

四等兩下相減餘二人共銀兩下相減

餘十兩即三等二人四等二人共銀十

兩也

蓋三十二兩內減二十二兩即減去二等二人三等二人四等四人

之共銀數故所餘之十兩為三次以二

等二人三等二人四等四人共銀二十

二兩列於上二等十人三等二十六人

四等四十人共銀一百九十八兩列於

下乃以下二等十人遍乘上二等二人

三等二人四等四人共銀二十二兩得

銀	二二	二六	四〇	四〇
	一九八	二〇	四〇	四〇
	二二〇	五二	八〇	八〇
	三九六	三二	四〇	四〇
	一七六			

二等二十人三等二十人四等四十人  
 共銀二百二十兩又以上二等二人遍  
 乘下二等十人三等二十六人四等四  
 十人共銀一百九十八兩得二等二十  
 人三等五十二人四等八十人共銀三  
 百九十六兩兩下相較則二等各二十  
 人彼此減盡三等兩下相減餘三十二  
 人四等兩下相減餘四十人共銀兩下  
 相減餘一百七十六兩即三等三十二

銀	二二	四〇	二六	二
	一九八	四〇	二六	一〇
	二二〇	四〇	二〇	二〇
	三九六	八〇	五二	二〇
	一七六	四〇	三二	〇〇

人四等四十人共銀一百七十六兩也  
 蓋三百九十六兩內減二百二十兩即  
 減去二百二十六兩三等人四等四  
 十人之共銀數故所餘之一百七十六  
 兩為三等三十二人四等四十人之共  
 銀數也此間兩層相減雖下層數多於  
 於上層然俱係反減故不用變號  
 是又將兩次所得之餘作二色方程算  
 之其三等二人四等二人共銀十兩列  
 於上三等三十二人四等四十人共銀  
 一百七十六兩列於下乃以下三等三  
 十二人遍乘上三等二人四等二人共

銀  
一〇  
一七六  
三二〇  
三五二  
〇三

零  
二  
四〇  
六四  
八〇  
一六

零  
二  
三二  
六四  
六四  
〇〇

銀十兩得三等六十四人四等六十四人共銀三百二十兩又以上三等二人遍乘下三等三十二人四等四十人共銀一百七十六兩得三等六十四人四等八十人共銀三百五十二兩兩下相較則三等各六十四人彼此減盡四等兩下相減餘十六人共銀兩下相減餘三十二兩即四等十六人之共銀數以四等十六人除之得二兩即四等每一

人所應得之數也以四等二人因之得  
四兩為四等二人之共銀數於三等二  
人四等二人共銀十兩內減之餘六兩  
為三等二人之共銀數以三等二人除  
之得三兩即三等每一人所應得之數  
也以二等一人三等二人四等三人共  
銀十六兩計之則三等二人應得六兩  
四等三人應得六兩共十二兩於共銀  
十六兩內減之餘四兩即二等每一人

所應得之數也再以一等一人二等二人三等三人四等四人共銀三十兩計之則二等二人應得八兩三等三人應得九兩四等四人應得八兩共二十五兩於共銀三十兩內減之餘五兩即一等每一人所應得之數也

### 較數類

設如硯七方比筆三枝價多四百八十文又硯三方比筆九枝價少一百八十文問硯筆價各若干

硯	筆	錢
七正	三負	四八〇正
三正	九負	一八〇負
二一正	九負	一四四〇正
二一正	六三負	一二六〇負
〇〇	五四	二七〇〇

法以硯七為正筆三為負價多四百八

十文為正

與硯同類故亦為正多為硯比筆之所多列於上

又以硯三為正筆九為負價少一百八

十文為負

比硯之少與筆同類故亦少為硯比筆之所少即為筆

為列於下乃以下硯三遍乘上硯七筆

三價多四百八十文得硯二十一為正

筆九為負價多一千四百四十文為正

又以上硯七遍乘下硯三筆九價少一

百八十文得硯二十一為正筆六十三



硯	筆	錢
七正	三負	四八〇正
三正	九負	一八〇負
二一正	九負	一四四〇正
二一正	六三負	一二六〇負
〇〇	五四	二七〇〇

為負價少一千二百六十文為負兩下  
 相較則硯各二十一彼此減盡筆九枝  
 與六十三枝兩層皆負故相減餘五十  
 四枝價多一千四百四十文與少一千  
 二百六十文一正一負故相加得二千  
 七百文乃筆五十四枝之共價以減餘  
 筆五十四除之得五十文即筆每一枝  
 之價以三因之得一百五十文為筆三  
 枝之共價與硯多四百八十文相加得

硯	筆	銀
七正	三負	四八〇正
三正	九負	一八〇負
二一正	九負	四四〇正
二一正	六三負	一二六〇負
〇〇	五四	二七〇〇

六百三十文為硯七方之共價以硯七  
除之得九十文即硯每一方之價也此  
法用互乘則上層為硯二十一方比筆  
九枝價多一千四百四十文下層為硯  
二十一方比筆六十三枝價少一千二  
百六十文夫硯既皆二十一方則其共  
價必相等然比筆九枝之價則多比筆  
六十三枝之價則少是多與少相加之  
二千七百文即筆九枝與筆六十三枝

硯	筆	錢
七正	三負	四八〇正
三正	九負	一八〇負
二一正	九負	一四四〇正
二一正	六三負	一二六〇負
〇〇	五四	二七〇〇

相差之五十四枝之價也筆五十四枝  
共價為二千七百文則筆一枝價五十  
文而筆三枝價為一百五十文矣硯七  
方比筆三枝價既多四百八十文則於  
一百五十文加四百八十文共六百三  
十文即硯七方之共價故以硯七除之  
得九十文為硯每一方之價也

設如有甲丙二馬羣各不知數只云甲三羣比丙二  
羣多一千五百三十四匹甲二羣與丙七羣相等問

甲丙每羣馬數各幾何

甲	丙	馬
三正	二負	一五三〇正
二正	七負	〇
六正	四負	三〇六〇正
六正	二一負	〇
〇	一七	三〇六〇

法以甲三羣為正丙二羣為負多一千  
五百三十匹為正列於上又以甲二羣  
為正丙七羣為負相等作一空位相等無數  
可以存其位列於下乃以下甲二羣遍  
乘上甲三羣丙二羣多一千五百三十  
匹得甲六羣仍為正丙四羣仍為負多  
三千零六十匹亦仍為正又以上甲三  
羣遍乘下甲二羣丙七羣得甲六羣仍

甲	丙	馬
三正	二負	一五三〇正
二正	七負	〇
六正	四負	三〇六〇正
六正	二一負	〇
〇	一七	三〇六〇

為正丙二十一羣為負相等無可乘亦  
 仍為空位兩下相較則甲各六羣彼此  
 減盡丙四羣與丙二十一羣兩層皆負  
 故相減餘十七羣多三千零六十匹與  
 相等無可加減仍得三千零六十匹乃  
 丙十七羣之共數以減餘丙十七羣除  
 之得一百八十匹為丙每羣之數七因  
 之得一千二百六十匹為丙七羣之共  
 數甲二羣既與丙七羣相等則一千二

甲	丙	馬
五正	二負	一五三〇正
二正	七負	〇
六正	四負	三〇六〇正
六正	二一負	〇
〇	一七	三〇六〇

百六十匹亦即為甲二羣之共數以甲二羣除之得六百三十匹即甲每羣之數也此法用互乘則上層為甲六羣比丙四羣多三千零六十匹下層為甲六羣與丙二十一羣相等甲六羣既與丙二十一羣相等則丙二十一羣比丙四羣多三千零六十匹兩下各減丙四羣則為丙十七羣共馬三千零六十匹矣丙十七羣既為共馬三千零六十匹則

丙一羣得馬一百八十匹而丙七羣為  
馬一千二百六十匹甲二羣既與丙七  
羣相等則一千二百六十匹用甲二羣  
除之得六百三十匹即甲每羣之數也

設如有錢買桃蘋果梨三色各不知價只云桃三箇  
比蘋果二箇梨二箇價多二十四文桃二箇梨三  
箇比蘋果五箇價少十二文桃四箇蘋果三箇比  
梨八箇價多一百零八文問桃蘋果梨各價幾何  
法先以桃三為正蘋果二梨二為負價

桃	蘋果	梨	錢
二正	二負	二負	二四正
二正	二五負	三正	一二負
六正	四負	四負	四八正
六正	一五負	九正	三六負
〇	一一正	一三負	八四正

多二十四文為正列於上又以桃二為  
正蘋果五為負梨三為正價少十二文  
為負列於下乃以下桃二遍乘上桃三  
蘋果二梨二價多二十四文得桃六仍  
為正蘋果四為負梨四為負價多四十  
八文為正即桃六比蘋果四梨四價多  
四十八文比原數加二倍  
又以上桃三遍乘下桃二蘋果五梨三  
價少十二文得桃六仍為正蘋果十五  
為負梨九為正價少三十六文為負  
桃即



桃	贖	梨	錢
三正	二負	二負	二四正
二正	五負	三正	一二負
六正	四負	四負	四八正
六正	一五負	九正	三六負
〇	一一正	一三負	八四正

六梨九比蘋果十五價少三十六文比原數加三倍於是任以上層為主兩下相較則桃各六彼此減盡蘋果兩層皆負故相減餘十一本層少反減故變負為正且為首一色減盡其次一色即轉而為首故亦變負為正梨一正一負故相加得十三仍依本層為負多四十八文與少三十六文相加得八十四文仍依本層為正即為蘋果十一比梨十三價多三十四文也

蓋桃彼此減盡

桃	蘋	梨	錢
三正	二負	二負	二正
二正	五負	三正	一二負
六正	四負	四負	四八正
六正	一五負	九正	三六負
〇	一一正	一三負	八四正

蘋果上層少為十一下層少十五是下層比  
 上層所少為十一即上層比下層多十  
 一也梨上所少是上層比下層少十三也  
 即上之梨上所少是上層比下層少十三也  
 錢上層多四十八文下層少三十六文  
 下之所少即上之文多是上層比下層  
 多八十四文也蘋果多十一梨少十三  
 錢即多八十四文故為蘋果十一比梨  
 十三價多八復以桃二為正蘋果五為  
 十四文也  
 負梨三為正價少十二文為負列於上  
 又以桃四蘋果三為正梨八為負價多  
 一百零八文為正列於下乃以上桃二  
 遍乘下桃四蘋果三梨八價多一百零

桃	蘋	梨	錢
二正	五負	三正	一二負
四正	三正	八負	一〇八正
八正	六正	一六負	二一六正
八正	二〇負	一二正	四八負
〇	二六正	二八負	二六四正

八文得桃八仍為正蘋果六亦仍為正  
 梨十六為負價多二百一十六文為正  
 即桃八蘋果六比梨十六價多又以下  
 二百一十六文比原數加二倍  
 桃四遍乘上桃二蘋果五梨三價少十  
 二文得桃八仍為正蘋果二十為負梨  
 十二為正價少四十八文為負  
 即桃八  
 梨十二  
 比蘋果二十價少四十  
 於是仍以上層  
 八文比原數加四倍  
 為主兩下相較則桃各八彼此減盡蘋  
 果一正一負故相加得二十六仍依本

桃	錢	梨	錢
二正	五負	三正	一二負
四正	三正	八負	一〇八正
八正	六正	一六負	二一六正
八正	二〇負	一二正	四八負
〇	二六正	二八負	二六四正

層為正梨一正一負故相加得二十八  
 仍依本層為負多二百一十六文與少  
 四十八文相加得二百六十四文亦仍  
 依本層為正即為蘋果二十六比梨二  
 十八價多二百六十四文也蓋桃彼此減盡蘋果  
 上層多六下層少二十下之所少即上  
 之所多是上層比下層多二十六也梨  
 上層少十六下層多十二下之所多即  
 上之所少是上層比下層少二十八也  
 錢上層多二百一十六文下層少四十  
 八文下之所少即上之所多是上層比  
 下層多二百六十四文也蘋果多二十  
 六梨少二十八錢即多二百六十四文

蘋果	梨	錢
一一正	一三負	八四正
二六正	二八負	二六四正
二八六正	三〇八負	二九〇四正
二八六正	三三八負	二一八四正
〇〇〇	〇三〇	〇七二〇

故為蘋果二十六比梨二十  
八價多二百六十四文也 爰將兩次  
所得之餘作二色方程算之其蘋果十  
一為正梨十三為負價多八十四文為  
正列於上蘋果二十六為正梨二十八  
為負價多二百六十四文為正列於下  
乃以上蘋果十一遍乘下蘋果二十六  
梨二十八價多二百六十四文得蘋果  
二百八十六為正梨三百零八為負價  
多二千九百零四文為正

即蘋果二百  
八十六比梨

新	梨	錢
一一正	一三員	八四正
二六正	二八員	二六四正
二八六正	三〇八員	二九〇四正
二八六正	三三六員	二一八四正
〇〇〇	〇三〇	〇七二〇

三百零八價多二千九百  
零四文比原數加十一倍 又以下蘋果

二十六遍乘上蘋果十一梨十三價多

八十四文得蘋果二百八十六為正梨

三百三十八為負價多二千一百八十

四文為正 即蘋果二百八十六比梨三

十四文比原數 兩下相較則蘋果各二

百八十六彼此減盡梨兩層皆負故相

減餘三十兩多數相同故亦相減餘七

百二十文乃梨三十之共價 蓋蘋果皆

六則其共價必相等然比梨三百三十  
八之價則多二千一百八十四文比梨  
三百零八之價則多二千九百零四文  
是兩多相差之七百二十文即梨相差  
三十之以梨三十除之得二十四文即  
共價也以梨十三乘之得三百一  
梨每箇之價以梨十三乘之得三百一  
十二文為梨十三之共價蘋果十一既  
比梨十三價多八十四文則於三百一  
十二文加八十四文得三百九十六文  
為蘋果十一之共價以十一除之得三  
十六文即蘋果每箇之價以桃三比蘋

果二梨二價多二十四文計之則梨二  
價四十八文蘋果二價七十二文共價  
一百二十文加桃三多二十四文共一  
百四十四文即為桃三之共價以三除  
之得四十八文即桃每箇之價也

設如有銀買銅錫鉛鐵各不知價只云銅三斤比錫  
二斤鉛二斤鐵四斤價多一錢又銅二斤鉛一斤  
比錫二斤鐵二斤價多二錢又銅一斤錫二斤與  
鉛三斤鐵八斤價相等又銅五斤鐵三十斤比錫



四斤鉛二十四斤價少二錢問銅錫鉛鐵各價幾何

價	正	正	正	正	正
一	二	二	二	二	二
二	六	六	六	六	六
六	六	六	六	六	六
〇					

法先以銅三斤為正錫二斤鉛二斤鐵四斤俱為負價多一錢為正列於上又銅二斤為正錫二斤為負鉛一斤為正鐵二斤為負價多二錢為正列於下乃以下銅二斤遍乘上銅三斤錫二斤鉛二斤鐵四斤價多一錢得銅六斤為正錫四斤鉛四斤鐵八斤俱為負價多二

銅	錫	鉛	鐵	價
三正	二負	二負	四負	一正
二正	二負	一正	二負	二正
六正	四負	四負	八負	二正
六正	六負	三正	六負	六正
〇	二正	七負	二負	四負

錢為正又以上銅三斤遍乘下銅二斤錫二斤鉛一斤鐵二斤價多二錢得銅六斤為正錫六斤為負鉛三斤為正鐵六斤為負價多六錢為正於是以上層為主兩下相較則銅各六斤彼此減盡錫兩層皆負故相減餘二斤本層少乃變負為正鉛一正一負故相加得七斤仍依本層為負鐵兩層皆負故亦相減餘二斤仍依本層為負價兩層皆正故

銅	錫	鉛	鐵	價
三正	二負	二負	四負	一正
二正	二負	一正	二負	二正
六正	四負	四負	八負	二正
六正	六負	三正	六負	六正
〇	二正	七負	二負	四負

亦相減餘四錢本層少乃變正為負即  
 錫二斤比鉛七斤鐵二斤價少四錢也  
 蓋銅彼此減盡錫上層少四斤下層少  
 六斤是下層比上層所少為二斤即上  
 層比下層多二斤也鉛上層少四斤下  
 層多三斤下之所多即鉛上層之所少是上  
 層比下層少七斤也鐵上層少八斤下  
 層少六斤是上層比下層所少為二斤  
 也價上層多二錢下層多六錢是下層  
 比上層所多為四錢即上層比下層少  
 四錢也錫多二斤鉛少七斤鐵少二斤  
 價即少四錢故為錫二斤比鉛七斤鐵  
 二斤價少次以銅二斤為正錫二斤為  
 負鉛一斤為正鐵二斤為負價多二錢

銅	錫	鉛	鐵	價
二正	二負	一正	二負	二正
一正	二正	三負	八負	〇
二正	二負	一正	二負	二正
二正	四正	六負	一六負	〇
〇	六負	七正	一四正	二正

為正列於上又銅一斤錫二斤為正鉛  
 三斤鐵八斤為負相等作一空位列於  
 下乃以下銅一斤遍乘上銅二斤錫二  
 斤鉛一斤鐵二斤價多二錢仍得原數  
 又以上銅二斤遍乘下銅一斤錫二斤  
 鉛三斤鐵八斤得銅二斤錫四斤仍為  
 正鉛六斤鐵十六斤仍為負相等無可  
 乘仍為空位於是以上層為主兩下相  
 較則銅各二斤彼此減盡錫一正一負

銅	錫	鉛	鐵	價
二正	二負	一正	二負	二正
一正	二正	三負	八負	〇
二正	二負	一正	二負	二正
二正	四正	六負	一六負	〇
〇	六負	七正	一四正	二正

故相加得六斤仍依本層為負鉛一正  
一負故亦相加得七斤仍依本層為正  
鐵兩層皆負故相減餘十四斤本層少  
乃變負為正價多二錢與相等無可加  
減仍得二錢為正即鉛七斤鐵十四斤  
比錫六斤價多二錢也  
蓋錫上層少二斤  
銅彼此減盡  
上層多四斤下之所多即上層之少是  
上層比下層少六斤下之所少即上層之多是  
下層比上層多七斤也鐵上層少二斤  
下層比上層少六斤是下層比上層少為  
十四斤即上層比下層多十四斤也鉛

銅	錫	鉛	鐵	價
二正	二負	一正	一負	二正
一正	二正	三負	八負	〇
二正	二負	一正	二負	二正
二正	四正	六負	一六負	〇
〇	六負	七正	一四正	二正

多七斤鐵多十四斤錫少六斤而價即  
 多二錢故為鉛七斤鐵十四斤比錫六  
 斤價多因首色銅數減盡則錫即轉而  
 二錢也為首應為正今錫六斤為負則重列三  
 色之際不能一體須俱變其號然後為  
 順故將錫六斤變負為正而以鉛七斤  
 鐵十四斤價多二錢俱變正為負蓋原  
 鉛七斤鐵十四斤比錫六斤價多二錢  
 今變為錫六斤比鉛七斤鐵十四斤價  
 少二錢也

若以下層為主則相加應  
 依下層為正即不用變次

銅	錫	鉛	鐵	價
一正	二正	三負	八負	○負
五正	四負	二四負	三○正	二負
五正	一○正	一五負	四○負	○負
五正	四負	二四負	三○正	二負
○	一四正	○九正	七○負	二正

以銅一斤錫二斤為正鉛三斤鐵八斤  
為負相等作一空位列於上又銅五斤  
為正錫四斤鉛二十四斤為負鐵三十  
斤為正價少二錢為負列於下乃以下  
銅五斤遍乘上銅一斤錫二斤鉛三斤  
鐵八斤得銅五斤錫十斤為正鉛十五  
斤鐵四十斤為負相等無可乘仍為空  
位又以上銅一斤遍乘下銅五斤錫四  
斤鉛二十四斤鐵三十斤價少二錢仍

銅	錫	鉛	鐵	價
一正	二正	三負	八負	○ 二負
五正	四負	二四負	三○正	○ 二負
五正	一○正	一五負	四○負	○ 二負
五正	四負	二四負	三○正	二正
○	一四正	○九正	七○負	

得原數於是以上層為主兩下相較則銅各五斤彼此減盡錫一正一負故相加得十四斤仍依本層為正鉛兩層皆負故相減餘九斤本層少乃變負為正鐵一正一負故相加得七十斤仍依本層為負價少二錢與相等無可加減仍得二錢本層無數乃變負為正即錫十四斤鉛九斤比鐵七十斤價多二錢也蓋銅彼此減盡錫上層多十斤下層少四斤下之所少即上之所多是上層比



錫	鉛	鐵	價
二正	七負	二負	四負
六正	七負	一四負	二負
一二正	四二負	一二負	二四負
一二正	一四負	二八負	四負
〇〇	二八負	一六正	二〇負

下層多十四斤也鉛上層少十五斤下  
 層少二十四斤是下層比上層所少為  
 九斤即上層比下層多九斤也鐵上層  
 少四十斤下層多三十斤下之所多即  
 上之所少是上層比下層少七斤也  
 價下層少二錢即上層多二錢也錫多  
 十四斤鉛多九斤鐵少七斤價即多  
 二錢故為錫十四斤鉛九斤比鐵七十  
 斤價多爰將三次所得之餘作三色方  
 程算之先以錫二斤為正鉛七斤鐵二  
 斤價少四錢俱為負列於上又錫六斤  
 為正鉛七斤鐵十四斤價少二錢俱為  
 負列於下乃以下錫六斤遍乘上錫二

錫	鉛	鐵	價
二正	七負	二負	四負
六正	七負	一四負	二負
一二正	四二負	一二負	二四負
一二正	一四負	二八負	四負
〇〇	二八負	一六正	二〇負

斤鉛七斤鐵二斤價少四錢得錫十二斤為正鉛四十二斤鐵十二斤價少二兩四錢俱為負又以上錫二斤遍乘下錫六斤鉛七斤鐵十四斤價少二錢得錫十二斤為正鉛十四斤鐵二十八斤價少四錢俱為負於是以上層為主兩下相較則錫各十二斤彼此減盡鉛兩層皆負故相減餘二十八斤仍依本層為負鐵兩層皆負故亦相減餘十六斤

錫	鉛	鐵	價
二正	七員	二員	四員
六正	七員	一四員	二員
一二正	四二員	一二員	二四員
一二正	一四員	二八員	四員
〇〇	二八員	一六正	二〇員

本層少乃變負為正價兩層皆負故亦  
 相減餘二兩仍依本層為負即鐵十六  
 斤比鉛二十八斤價少二兩也蓋錫彼此減盡  
 鉛上層少四十二斤下層少十四斤是  
 層少十二斤下層少二十八斤是下層  
 比上層所少為十六斤即上層比下層  
 多十六斤也價上層少二兩四錢下層  
 少四錢是上層比下層所少為二兩也  
 鐵多十六斤鉛少二十八斤價即少二  
 兩故為鐵十六斤比鉛二十八斤價少  
 二兩  
 以錫六斤為正鉛七斤鐵十四  
 斤價少二錢俱為負列於上又錫十四

錫	鉛	鐵	價
六正	七負	一四負	二負
一四正	九正	七〇負	二正
八四正	九八負	一九六負	二八負
八四正	五四正	四二〇負	一二正
〇〇	一五二負	二二四正	四〇負

斤鉛九斤為正鐵七十斤為負價多二錢為正列於下乃以下錫十四斤遍乘上錫六斤鉛七斤鐵十四斤價少二錢得錫八十四斤為正鉛九十八斤鐵一百九十六斤價少二兩八錢俱為負又以上錫六斤遍乘下錫十四斤鉛九斤鐵七十斤價多二錢得錫八十四斤鉛五十四斤為正鐵四百二十斤為負價多一兩二錢為正於是以上層為主兩

錫	鉛	鐵	價
六正	七負	一四負	二負
一四正	九正	七〇負	二正
八四正	九八負	一九六負	二八負
八四正	五四正	四二〇負	一二正
〇〇	一五二負	二二四正	四〇負

下相較則錫各八十四斤彼此減盡鉛  
 一正一負故相加得一百五十二斤仍  
 依本層為負鐵兩層皆負故相減餘二  
 百二十四斤本層少乃變負為正價一  
 正一負故相加得四兩仍依本層為負  
 即鐵二百二十四斤比鉛一百五十二  
 斤價少四兩也蓋錫彼此減盡鉛上層  
少九十八斤下層多五  
 十四斤下之所多即上之所少是上層  
 比下層少一百五十二斤也鐵上層少  
 一百九十六斤下層少二百二十四斤即  
 下層比上層所少為二百二十四斤即

錫	鉛	鐵	價
六正	七負	一四負	二負
一四正	九正	七〇負	二正
八四正	九八負	一九六負	二八負
八四正	五四正	四二〇負	一二正
〇〇	一五二負	二二四正	四〇負

上層比下層多二百二十四斤也價上層少二兩八錢下層多一兩二錢下之所多即上之所少是上層比下層少四兩也鐵多二百二十四斤鉛少一百五十二斤比鉛即少四兩故為鐵二百二十四斤將兩次所得之餘作二色方程算之其所餘鉛兩首色俱為負是為同號可以互乘減盡故不變其號即將鉛二十八斤為負鐵十六斤為正價少二兩為負列於上又鉛一百五十二斤為負鐵二百二十四斤為正價少四兩為負列

鉛	鐵	價
二八負	一六正	二〇負
一五二負	二二四正	四〇負
四二五六負	二四三二正	五〇四〇負
四二五六負	六二七二正	一一二〇負
〇〇〇〇	三八四〇	一九二〇

於下乃以下鉛一百五十二斤遍乘上  
鉛二十八斤鐵十六斤價少二兩得鉛  
四千二百五十六斤為負鐵二千四百  
三十二斤為正價少三百零四兩為負  
又以上鉛二十八斤遍乘下鉛一百五  
十二斤鐵二百二十四斤價少四兩得  
鉛四千二百五十六斤為負鐵六千二  
百七十二斤為正價少一百一十二兩  
為負兩下相較則鉛各四千二百五十

鉛	鐵	價
二八兩	一六正	二〇兩
一五二兩	二二四正	四〇兩
四二五六兩	二四三二正	二〇四〇兩
四二五六兩	六二七二正	一一二〇兩
〇〇〇〇	三八四〇	一九二〇

六斤彼此減盡鐵兩層皆正故亦相減  
餘三千八百四十斤價兩層皆負故亦  
相減餘一百九十二兩即鐵三千八百  
四十斤之共價以鐵三千八百四十斤  
除之得五分即鐵每一斤之價也以鐵  
十六斤乘之得八錢為鐵十六斤之共  
價鐵十六斤既比鉛二十八斤價少二  
兩則加二兩得二兩八錢為鉛二十八  
斤之共價以鉛二十八斤除之得一錢



即鉛每一斤之價也以錫六斤比鉛七斤鐵十四斤價少二錢計之則鉛七斤價七錢鐵十四斤價亦七錢共一兩四錢錫六斤既比鉛七斤鐵十四斤價少二錢則減二錢餘一兩二錢為錫六斤之共價以錫六斤除之得二錢即錫每一斤之價也再以銅三斤比錫二斤鉛二斤鐵四斤價多一錢計之則錫二斤價四錢鉛二斤價二錢鐵四斤價二錢

共八錢銅三斤既比錫二斤鉛二斤鐵四斤價多一錢則加一錢共九錢為銅三斤之共價以銅三斤除之得三錢即銅每一斤之價也

和較兼用類

設如有大小二石不知其重只云二大石比七小石少三十斤三大石二小石共三百三十斤問大小石各重幾何

法以大石二為正小石七為負少三十

大	小	勑
二正	七負	三〇負
三	二	三三〇
六	四	六六〇
六正	二一負	九〇負
〇	二五	七五〇

斤為負列於上大石三小石二共重三百三十斤列於下乃以上大石二遍乘下大石三小石二重三百三十斤得大石六小石四共重六百六十斤又以下大石三遍乘上大石二小石七少三十斤得大石六仍為正小石二十一仍為負少九十斤亦仍為負兩下相較則大石各六彼此減盡小石四加小石二十一得小石二十五六百六十斤加九十

大	小	觔
二	七	三〇
正	負	負
三	二	三三〇
六	四	六六〇
六	二一	九〇
正	負	負
〇	二五	七五〇

斤得七百五十斤乃小石二十五之共  
數以小石二十五除之得三十斤即一  
小石之重數以二因之得六十斤為二  
小石之共數於大小石共重三百三十  
斤內減之餘二百七十斤為三大石之  
共數以三除之得九十斤即一大石之  
重數也此法蓋因三大石二小石共重  
三百三十斤為和數皆一類為正故不  
用正負之號遇正則為同類相減遇負

大	小	筋
二正	七負	三〇負
三	二	三三〇
六	四	六六〇
六正	二一負	九〇負
〇	二五	七五〇

則為異類相加相加之後仍為和數者  
 以其依本層之號故亦不用正號蓋六  
 大石四小石共重六百六十斤而六大  
 石比二十一小石少九十斤則加九十  
 斤即六大石與二十一小石等矣故小  
 石二十五共重七百五十斤以二十五  
 除之而得一小石之重數也既得小石  
 之重數則於和數共重三百三十斤內  
 減二小石重六十斤餘為三大石之共

數若於較數七小石之共重二百一十斤內減少三十斤所餘即為二大石之共數既得三大石或二大石之共數乃以大石數除之即得一大石之重數矣設如有米用牛馬騾三色載之各不知數只云牛二馬三騾四共載八石馬三騾三與牛三所載相等牛四馬一比騾八所載多三石問各載幾何

法先以牛二馬三騾四共米八石列於上次以牛三為正馬三騾三為負相等

米	八	〇	〇	四	二	四	二	四
驪	四	三	負	六	負	一	二	一
馬	三	三	負	六	負	九	五	一
牛	二	三	正	六	正	六	〇	〇

作一空位列於下

題言馬三驪三比牛三則馬驪應為正牛

應為負因列法以牛為首故以牛為正馬驪為負即牛三比馬三驪三相等其

理一乃以上牛二遍乘下牛三馬三驪

三得牛六仍為正馬六驪六仍為負又

以下牛三遍乘上牛二馬三驪四共載

八石得牛六馬九驪十二共載二十四

石於是以下層為主兩下相較層若以上

則相加數皆為負况首色減盡二色即轉而為首即變負為正故不若以下層

為主而皆則牛各六彼此減盡馬九加

米	八	〇	〇	二四	二四
驛	四	三	負	六	負
馬	三	三	負	六	九
牛	二	三	正	六	六
			〇	一五	一八

馬六得馬十五因依本層為和驛十二

加驛六得驛十八二十四石無可加減

仍為二十四石即馬十五驛十八共載

二十四石也蓋牛六馬九驛十二共載二十四石而牛六與馬六

驛六相等則將本層牛六變為馬六驛六矣故為馬十五驛十八共載二十四

也次以牛三為正馬三驛三為負相等

作一空位列於上牛四馬一為正驛八

為負多三石為正列於下乃以上牛三

遍乘下牛四馬一驛八多三石得牛十



牛	馬	騾	米
三正	三負	三負	〇
四正	一正	八負	三正
一二正	一三正	二四負	九正
一二正	一二負	一二負	〇
〇〇	一五正	一二負	九正

二為正馬三亦為正騾二十四為負多  
 九石為正又以下牛四遍乘上牛三馬  
 三騾三得牛十二為正馬十二為負騾  
 十二為負於是以上層為主兩下相較  
 則牛各十二彼此減盡馬一正一負故  
 相加得十五仍依本層為正騾兩層皆  
 負故相減餘十二仍依本層為負九石  
 無可加減仍為九石依本層為正即馬  
 十五比騾十二所載多九石也

蓋牛彼此減盡

牛	馬	騾	米
三正	三負	三負	〇
四正	一正	八負	三正
一二正	三正	二四負	九正
一二正	一二負	一二負	〇
〇〇	一五正	一二負	九正

馬上層多三下層少十二是上層比下  
 層多十五也騾上層少二十四下層少  
 十二是上層比下層所少為十二也馬  
 多十五騾少十二而米即多九石故為  
 馬十五比騾十二爰將兩次所得之餘  
 所載多九石也  
 如和較兼用二色方程法算之其馬十  
 五騾十八共米二十四石列於上又馬  
 十五為正騾十二為負多米九石為正  
 列於下因首色皆為十五兩數齊同即  
 不用互乘兩下相較則馬各十五彼此  
 減盡騾十八加騾十二得三十米二十

馬	騾	米
一五	一八	二四
一五正	一二負	九正

〇〇      三〇      一五

四石減九石餘十五石乃騾三十共載之數以三十除之得五斗即為每一騾所載之數以騾十二乘之得六石為騾十二共載之數加馬十五之多九石得十五石即為馬十五共載之數以馬十五除之得一石為每一馬所載之數以牛三與馬三騾三相等計之則馬三應載三石騾三應載一石五斗共四石五斗以牛三除之得一石五斗即為每一

牛所載之數也

設如有銀買綾羅絹三色各不知價只云綾一疋羅二疋絹四疋共價七兩四錢又綾二疋絹八疋比羅四疋多六兩八錢又綾三疋比羅六疋絹七疋少一兩二錢問各價幾何

法先以綾一羅二絹四共銀七兩四錢列於上和數皆為正不用號又綾二為正羅四為負絹八為正多六兩八錢為正列於下乃以下綾二遍乘上綾一羅二絹四共

綾	羅	絹	銀
一	二	四	七
二	四	八	四
正	負	正	八
二	四	八	一
正	負	正	四
〇	八	〇	六
	正		八
			正
			〇
			八
			〇
			正

銀七兩四錢得綾二羅四絹八共銀十  
 四兩八錢又以上綾一遍乘下綾二羅  
 四絹八多六兩八錢仍得原數於是以  
 上層為主兩下相較則綾各二彼此減  
 盡羅一正一負故相加得羅八依本層  
 為正絹兩層皆正故相減恰盡價兩層  
 皆正亦相減餘八兩乃羅八疋之共價  
 蓋綾彼此減盡絹亦減盡惟羅上層多  
 四疋下層少四疋是上層比下層多八  
 疋而價即多八兩故以羅八除之得一  
 為羅八疋之共價也

綾	羅	絹	銀
二正	四負	八正	六八正
三正	六負	七負	一二負
六正	一二負	二四正	二〇四正
六正	一二負	一四負	二四負
〇	〇〇	三八	二二八

兩即為羅每一疋之價也次以綾二為正羅四為負絹八為正多六兩八錢為正列於上又綾三為正羅六為負絹七為負少一兩二錢為負列於下乃以下綾三遍乘上綾二羅四絹八多六兩八錢得綾六為正羅十二為負絹二十四為正多二十兩四錢為正又以上綾二遍乘下綾三羅六絹七少一兩二錢得綾六為正羅十二為負絹十四為負少

綾	羅	絹	銀
二正	四負	八正	六八正
三正	六負	七負	一二負
六正	一二負	二四正	二〇四正
六正	一二負	一四負	二四負
〇	〇〇	三八	二二八

二兩四錢為負於是以上層為主兩下  
 相較則綾各六彼此減盡羅兩層皆負  
 亦減盡絹一正一負故相加得三十八  
 銀一正一負故相加得二十二兩八錢  
 乃絹三十八疋之共價蓋綾彼此減盡羅亦減盡絹上  
 層多二十四疋下層少十四疋是上層  
 比下層多三十八疋也銀上層多二十  
 兩四錢下層少二兩四錢是上層比下  
 層多二十二兩八錢也絹多而銀亦多  
 故為絹之以絹三十八除之得六錢即  
 共價也  
 絹每一疋之價也以綾一羅二絹四共

價七兩四錢計之則羅二疋應價二兩  
絹四疋應價二兩四錢共四兩四錢於  
共價七兩四錢內減之餘三兩即綾每  
一疋之價也此法互乘相減之後即得  
一法一實故省重列二色若物與價俱  
各減盡者則此層必為彼層之幾倍與  
少一層者同是為少一行不可算也

和較交變類

設如有琴瑟箏三種樂器各不知價但知琴一張瑟



三張箏三張共價九十兩又琴一張瑟二張箏五張共價八十八兩又琴三張瑟八張箏五張共價二百二十兩問琴瑟箏每張各價幾何

銀  
九〇  
八八

箏三五

瑟三二

琴一一

〇 一正 二負 〇二正

法先以琴一瑟三箏三共銀九十兩列於上又琴一瑟二箏五共銀八十八兩列於下

因和數皆為正故不用號

因首色皆為一故

省互乘即以上層為主兩下相較則琴各一彼此減盡瑟兩下相減餘一本層多仍為正箏兩下相減餘二本層少變

銀  
九〇八

第  
三五

瑟  
三二

琴  
一一

〇二正

二負

一正

〇

正為負銀九十兩減八十八兩餘二兩

本層多亦仍為正即瑟一比等二價多

二兩也

蓋兩層琴各一張其價必相等但上層多瑟一張下層多等二

張則上層多銀二兩即瑟一比等二所多之價也

次以琴一瑟

二等五共銀八十八兩列於上又琴三

瑟八等五共銀二百二十兩列於下乃

以下琴三遍乘上琴一瑟二等五共銀

八十八兩得琴三瑟六等十五共銀二

百六十四兩又以上琴一遍乘下琴三

琴	瑟	第	銀
一	二	五	八
三	八	五	二〇
三	六	一	二六
三	八	五	二〇
〇	二	一〇	〇四
	角	正	正

瑟八等五共銀二百二十兩仍得原數  
於是以上層為主兩下相較則琴各三  
彼此減盡瑟兩下相減餘二本層少變  
正為負等兩下相減餘十本層多仍為  
正銀二百六十四兩減二百二十兩餘  
四十四兩本層多亦仍為正即等十比  
瑟二價多四十四兩也蓋兩層琴各三張其價必相等  
但上層多等十張下層多瑟二張則上  
層多銀四十四兩即等十張比瑟二張  
價也 因首色減盡則瑟轉而為首應

銀	等	瑟	琴
八八	五五	二八	一三
二二〇	五五	六八	三三
二六四	一五五	六八	三三
二二〇	一〇正	二角	〇
〇四四正			

為正今瑟為負重列二色之際不能一體須俱變其號然後為順故將瑟二變負為正而以箏十與價多四十四兩俱變正為負蓋原箏十比瑟二多四十四兩今變為瑟二比箏十少四十四兩也若以下層為主則本層多即得瑟二為正不用變號爰將兩次所得之餘如較數二色方程算之其瑟一為正箏二為負多二兩為正列於上瑟二為正箏十為負少四十四兩為負列

瑟	箏	銀
一正	二負	二正
二正	一〇負	四四負
二正	四負	四正
二正	一〇負	四四負
〇	〇六	四八

於下乃以下瑟二遍乘上瑟一箏二多  
 二兩得瑟二仍為正箏四為負多四兩  
 為正又以上瑟一遍乘下瑟二箏十少  
 四十四兩仍得原數兩下相較則瑟各  
 二彼此減盡箏兩層皆負故相減餘六  
 多四兩與少四十四兩相加得四十八  
 兩即箏六張之共價也蓋瑟皆為二張則其共價必相  
 等然比箏四張之價則多比箏十張之  
 價則少是相加之四十八兩即箏  
 十與箏四相差  
 六張之價也乃以箏六除銀四十八

兩得八兩為箏每張之價以箏十因之  
得八十兩為箏十張之共價瑟二張既  
比箏十張少四十四兩則於八十兩內  
減四十四兩餘三十六兩即為瑟二張  
之共價以瑟二除之得十八兩為瑟每  
張之價以琴一瑟三箏三共銀九十兩  
計之則瑟三價五十四兩箏三價二十  
四兩共七十八兩於共銀九十兩內減  
之餘十二兩即琴每一張之價也

設如有古量斛庾釜三種盛米各數不同只云三斛  
二釜比二庾多一石零八升又二斛比三庾五釜  
少六石又一斛一庾比二釜多一石三斗二升問  
斛庾釜各盛米若干

斛	庾	釜	米
三正	二負	二正	一〇八正
二正	三負	五負	六〇〇負
六正	四負	四正	二一六正
六正	九負	五負	一八〇〇負
〇	五正	一九正	二〇一六正

法先以斛三為正庾二為負釜二為正  
多一石零八升為正列於上又斛二為  
正庾三釜五為負少六石亦為負列於  
下乃以下斛二遍乘上斛三庾二釜二  
多一石零八升得斛六仍為正庾四為

斛	度	釜	米
三正	二負	二正	一〇八正
二正	三負	五負	六〇〇負
六正	四負	四正	二一六正
六正	九負	一五負	一八〇〇負
〇	五正	一九正	二〇一六正

負釜四為正多二石一斗六升亦為正  
 又以上斛三遍乘下斛二庾三釜五少  
 六石得斛六仍為正庾九釜十五俱為  
 負少十八石亦為負於是以上層為主  
 兩下相較則斛各六彼此減盡庾兩層  
 皆負故相減餘五本層少乃變負為正  
 釜一正一負故相加得十九仍依本層  
 為正多二石一斗六升與少十八石相  
 加得二十石一斗六升仍依本層為正



斛	庚	釜	米
二正	三負	五負	六〇〇負
一正	一正	二負	一三二正
二正	二正	四負	二六四正
二正	三負	五負	六〇〇負
〇	五正	一正	八六四正

即五庾十九釜共二十石一斗六升也  
 蓋斛彼此減盡庾上層少四下層少九  
 是下層比上層所少為五即上層比下  
 層多五也釜上層多四下層少十五是  
 上層比下層多十九也米上層多二石  
 一斗六升下層少十八石是上層比下  
 層多二十石一斗六升也庾釜多則米  
 亦多故為五庾十九釜次以斛二為正  
 共二十石一斗六升也  
 庾三釜五與少六石俱為負列於上又  
 斛一庾一為正釜二為負多一石三斗  
 二升為正列於下乃以上斛二遍乘下  
 斛一庾一釜二多一石三斗二升得斛

斛	庚	釜	米
二正	三負	五負	六〇〇負
一正	一正	二負	一三二正
二正	二正	四負	二六四正
二正	三負	五負	六〇〇負
〇	五正	一正	八六四正

二庚二為正釜四為負多二石六斗四升為正又以下斛一遍乘上斛二庚三釜五少六石仍得原數於是以上層為主兩下相較則斛各二彼此減盡庚一正一負故相加得五仍依本層為正釜兩層皆負故相減餘一本層少乃變負為正多二石六斗四升與少六石相加得八石六斗四升仍依本層為正即五庚一釜共八石六斗四升也

蓋斛彼此減盡庚上

米  
二〇一六  
八六四

釜  
九一

庾  
五五

〇 一八 二一五二

層多二下層少三是上層比下層多五  
也釜上層少四下層少五是下層比上  
層所少為一即上層比下層多一也米  
上層多二石六斗四升下層少六石是  
上層比下層多八石六斗四升也庾釜  
多而米亦多故為五庾一釜共八石六  
斗四爰以兩次所得之餘如和數二色  
方程算之其庾五釜十九共二十石一  
斗六升列於上庾五釜一共八石六斗  
四升列於下變為和數夫首數皆為五  
則省互乘兩下相較庾各五彼此減盡  
釜十九減一餘十八米二十石一斗六

米

二〇一六  
八六四

釜  
九一

庾  
五五

〇 一八 一五二

升減八石六斗四升餘十一石五斗二  
升即為釜十八所盛之共數以十八除  
之得六斗四升為每一釜所盛之數於  
八石六斗四升內減之餘八石為庾五  
所盛之共數以五除之得一石六斗為  
每一庾所盛之數以斛三釜二比庾二  
多一石零八升計之則庾二應三石二  
斗加多一石零八升得四石二斗八升  
即為斛三釜二之共數減釜二之一石

二斗八升餘三石為斛三所盛之共數  
以三除之得一石為每一斛所盛之數  
也

設如用船車駝運糧各不知數只云三船比七車一  
駝少三十三石六斗二車比一船十二駝少二十  
一石六斗八駝比一船三車少二十一石六斗問  
船車駝各載幾何

法先以船三為正車七駝一與少三十  
三石六斗俱為負列於上又船一改為

船	車	駝	糧
三正	七負	一負	三三六負
一正	二負	一二正	二一六正
三正	六負	三六正	六四八正
三正	七負	一負	三三六負
〇	一正	三七正	九八四正

正車二改為負駝十二亦改為正少二  
十一石六斗改為多二十一石六斗亦  
為正列於下  
蓋二車比一船十二駝少  
二十一石六斗即一船十  
二駝比二車多二  
十一石六斗也  
乃以上船三遍乘下  
船一車二駝十二多二十一石六斗得  
船三為正車六為負駝三十六為正多  
六十四石八斗為正又以下船一遍乘  
上船三車七駝一少三十三石六斗仍  
得原數於是以上層為主兩下相較則

船	車	駝	糧
三正	七負	一負	三三六負
一正	二負	一二正	二一六正
三正	六負	三六正	六四八正
三正	七負	一負	三三六負
〇	一正	三七正	九八四正

船各三彼此減盡車兩層皆負故相減  
 餘一本層少乃變負為正駝一正一負  
 故相加得三十七仍依本層為正多六  
 十四石八斗與少三十三石六斗相加  
 得九十八石四斗亦依本層為正即車  
 一駝三十七共載九十八石四斗也蓋船  
 彼此減盡車上層少六下層少七是下  
 層比上層所少為一即上層比下層多  
 一也駝上層多三十六下層少一是一上  
 層比下層多三十七也糧上層多六十  
 四石八斗下層少三十三石六斗是上  
 層比下層多九十八石四斗也車多駝

船	車	駝	糧
一正	二負	一二正	二一六正
一正	三正	八負	二一六正

〇 五負 二〇正 〇〇〇

多則糧亦多故九十八石四斗次以船  
為車一駝三十七之共數也  
一為正車二為負駝十二為正多二十  
一石六斗為正列於上又船一車三俱  
改為正駝八改為負少二十一石六斗  
改為多二十一石六斗為正列於下蓋  
駝比一船三車少二十一石六斗即一  
船三車比八駝多二十一石六斗也  
首數皆一故省互乘即以上層為主兩  
下相較則船各一彼此減盡車一正一  
負故相加得五仍依本層為負駝一正



船	車	駝	糧
一正	二負	一二正	二一六正
一正	三正	八負	二一六正

○ 五負 二〇正 ○〇〇

一負故亦相加得二十仍依本層為正糧兩層皆正相減恰盡即為駝二十與車五相等今車應轉為首色為正故重列之際須俱變其號以車變負為正駝變正為負即為車五與駝二十相等也蓋兩下相較船數相等上層少車二下層多車三上之少即下之所多是下層多車五上層多駝十二下層少駝八下之所少即上之多是上層多駝二十今既兩下糧數相等則爰以兩次所為車五與駝二十相等矣以兩次所得之餘如和較兼用二色方程算之其

車	駝	糧
一	三七	九八四
五正	二〇負	〇〇〇
五	一八五	四九二〇
五正	二〇負	〇〇〇
〇	二〇五	四九二〇

車一駝三十七共糧九十八石四斗列

於上

因為和數故不用號

又車五為正駝二十為

負列於下

糧兩下相等故無數可乃以列仍作空以存其位

乃以

下車五遍乘上車一駝三十七共糧九

十八石四斗得車五駝一百八十五共

糧四百九十二石又以上車一遍乘下

車五駝二十仍得原數兩下相較則車

各五彼此減盡駝一百八十五加駝二

十得二百零五糧止一層無數可加減

仍得四百九十二石即駝二百零五所  
載之共數也以駝二百零五除之得二  
石四斗為每一駝所載之數以二十乘  
之得四十八石為駝二十所載之共數  
車五既與之相等即以車五除之得九  
石六斗即為每一車所載之數以三船  
比七車一駝少三十三石六斗計之則  
一駝應二石四斗七車應六十七石二  
斗共六十九石六斗減三船少三十三

石六斗餘三十六石為三船所載之共數以三除之得十二石為每一船所載之數也

設如有錢買瓜桃榴梨四色只云瓜二桃四共價一百五十六文瓜一梨八共價一百二十六文桃二榴七共價一百六十文榴四梨七共價一百四十八文問瓜桃榴梨各價幾何

法先以瓜二桃四共價一百五十六文列於上

因題有四色而此行無榴梨乃各作空位以存其分餘俱照式

瓜	桃	榴	梨	錢
二	四	○	○	一五六
一	○	○	八	一二六
二	○	○	一六	二五二
二	四	○	○	一五六
○	四正	○	一六員	○九六員

對位又以瓜一梨八共價一百二十六  
 文列於下因為和數不用號乃以上瓜二遍乘  
 下瓜一梨八共價一百二十六文得瓜  
 二梨十六共價二百五十二文又以下  
 瓜一遍乘上瓜二桃四共價一百五十  
 六文仍得原數於是以下層為主兩下  
 相較則瓜各二彼此減盡桃四無可減  
 仍為四依本層為正榴仍為空位梨十  
 六無可減仍為十六本層無數乃變正

瓜	桃	榴	梨	錢
二	四	〇	〇	一五六
一	〇	〇	八	一二六
二	〇	〇	一六	二五二
二	四	〇	〇	一五六
〇	四正	〇	一六負	〇九六負

為負價二百五十二文內減一百五十  
六文餘九十六文本層少乃變正為負  
即為桃四比梨十六價少九十六文也  
蓋瓜皆為二則其共價必相等然上層  
有梨十六則共價二百五十二文下層  
有桃四則共價一百五十六文其相差  
之九十六文即桃四比梨十六所少之  
價至是瓜既已減盡但餘三色即變四  
色為三色而以桃為首對位列之是以  
桃四為正

此行無榴數故仍作空位  
以存其分餘俱對位列之

梨  
十六為負少九十六文為負列於上桃

桃	榴	梨	錢
四正	〇七	一六負	九六負
二八	二八	〇	一六〇
八正	〇	〇	六四〇
〇	二八正	三二負	一九二負
		三二正	八三二正

二榴七共價一百六十文列於下  
 故不乃以上桃四遍乘下桃二榴七共  
 用號  
 價一百六十文得桃八榴二十八共價  
 六百四十文又以下桃二遍乘上桃四  
 梨十六少九十六文得桃八仍為正梨  
 三十二仍為負少一百九十二文為負  
 於是以上層為主兩下相較則桃各八  
 彼此減盡榴二十八無可減仍為二十  
 八依本層為正梨三十二無可加仍為

因為和數

桃	榴	梨	錢
四正	○七	一六負	九六負
二		○	一六○
八	二八	○	六四○
八正	○	三二負	一九二負
○	二八正	三二正	八三二正

三十二本層無數乃變負為正六百四十文與少一百九十二文相加得八百三十二文仍依本層為正即榴二十八梨三十二共價八百三十二文也蓋桃減盡上層多榴二十八下層少梨三十二即上層多梨三十二故多與少相差十八梨三十二之共價也至是桃又減盡但餘二色即變三色為二色而以榴為首對位列之是以榴二十八梨三十二共價八百三十二文列於上榴四梨



榴	梨	錢
三二 四	三二 七	八三二 一四八
一一二	一九六	四一四四
一一二	一二八	三三二八
〇〇〇	〇六八	〇八一六

七共價一百四十八文列於下乃以上  
 榴二十八遍乘下榴四梨七共價一百  
 四十八文得榴一百一十二梨一百九  
 十六共價四千一百四十四文又以下  
 榴四遍乘上榴二十八梨三十二共價  
 八百三十二文得榴一百一十二梨一  
 百二十八共價三千三百二十八文兩  
 下相較則榴各一百一十二彼此減盡  
 梨兩下相減餘六十八價兩下相減餘

八百一十六文即梨六十八之共價也  
以梨六十八除之得十二文為梨每個  
之價以七因之得八十四文為梨七之  
共價於榴梨共價一百四十八文內減  
之餘六十四文為榴四之共價以四除  
之得十六文即榴每個之價以桃二榴  
七共價一百六十七文計之則榴七應價  
一百一十二文於桃榴共價一百六十  
文內減之餘四十八文為桃二之共價

以二除之得二十四文為桃每個之價  
再以瓜二桃四共價一百五十六文計  
之則桃四應價九十六文於桃瓜共價  
一百五十六文內減之餘六十文為瓜  
二之共價以二除之得三十文即瓜每  
個之價也

### 附法

設如有石二塊大小不等不知重數只有銅條一根  
重十二兩均分十二分以繩繫於第五分之上

頭五分一頭七分將大石掛於銅條一頭離提繫五分而以小石作砣稱之離提繫得六分始平又將小石掛在銅條一頭離提繫五分而以大石作砣稱之離提繫得四分始平問大小二石各重幾何

法先以五分加一倍與十二分相較餘二分折半得一分與五分相加為六分乃以五分為一率六分為二率餘二分作二兩為三率得四率二兩四錢即五

一率 五分  
二率 六分  
三率 二兩  
四率 二兩四錢

分之端加二兩四錢始與七分相平也  
爰將二兩四錢以大石離提繫五分因  
之得十二兩為五大石比六小石所多  
之數大石離提繫五分小石離提繫六分而平是大石重六分小石重五  
分也若五大石六分小石則各得三十分其重始等然五分之一端應加二兩四錢是大石重六分尚多二兩四錢也若五大石則多十二兩矣故為五大石比  
六小石多也又將二兩四錢以小石離提  
繫五分因之亦得十二兩為四大石比  
五小石所少之數小石離提繫四分而平

大	小	重
正	負	正
四	五	一
二	五	六
二	四	四
〇	〇	一

是石重四分大石重五分也若五小  
石四則各得二十分其重始等然  
五分之一端應加二兩四錢是小石重  
四分之多二兩四錢也若五小石則多  
十二兩矣故為五小石比四大石多十  
二兩因以大石為首故變為四大石比  
五小石少因作較數方程法算之以大  
石五為正小石六為負重多十二兩為  
正列於上又大石四為正小石五為負  
重少十二兩為負列於下乃以上大石  
五遍乘下大石四小石五少十二兩得  
大石二十小石二十五少六十兩又以

大	小	重
五正	六負	一二正
四正	五負	一二負
二〇正	二五負	六〇負
二〇正	二四負	四八正
〇〇	〇一	一〇八

下大石四遍乘上大石五小石六多十  
 二兩得大石二十小石二十四多四十  
 八兩兩下相較則大石各二十彼此減  
 盡小石兩層皆負故相減餘一重少六  
 十兩與多四十八兩相加得一百零八  
 兩即為一小石之重數以小石六因之  
 得六百四十八兩為六小石之共重數  
 加大石所多十二兩得六百六十兩  
 為五大石之共重數以五歸之得一百

三十二兩即為一大石之重數也此本  
疊借互徵之法而以方程算之稍為簡  
易焉

設如有銀一千六百四十兩兄弟二人分之各不知  
數只云兄之四分之一弟之六分之一共三百五  
十兩問兄弟各分銀幾何

法以一千六百四十兩為兄四分弟六  
分之共銀數以三百五十兩為兄一分  
弟一分之共銀數如和數方程法算之



銀	弟六	兄四
一六四〇	一	一
三五〇	六	四
一六四〇	四	四
一四〇〇	二	〇
〇二四〇		

以兄四分弟六分共銀一千六百四十兩列於上兄一分弟一分共銀三百五十兩列於下乃以下兄一分遍乘上兄四分弟六分共銀一千六百四十兩仍得原數又以上兄四分遍乘下兄一分弟一分共銀三百五十兩得兄四分弟四分共銀一千四百兩兩下相較則兄各四分彼此減盡弟兩下相減餘二分銀兩下相減餘二百四十兩即弟二分

兄	弟	銀
四	六	一六四〇
一	一	三五〇
四	六	一六四〇
四	四	一四〇〇
〇	二	〇二四〇

之共銀數以弟二分除之得一百二十  
兩為弟一分之銀數以弟六分乘之得  
七百二十兩即弟所分之共銀數於共  
銀一千六百四十兩內減之餘九百二  
十兩即兄所分之共銀數也

此法用疊  
借互徵算

之亦

設如甲乙二人分果不知其數只云甲予乙九枚則  
乙與甲等乙予甲九枚則一甲與二乙等問甲乙  
分果各幾何

甲	乙	果
一正	一負	一八五
一正	二負	二七負

〇 一 四五

法將甲予乙九枚以二因之得一十八

枚為一甲比一乙所多之數蓋甲予乙九枚則甲

與乙等若甲不予乙則甲多九枚又將

乙予甲九枚以三因之得二十七枚為

一甲比二乙所少之數蓋乙予甲九枚則一甲與二乙

等若乙不予甲則乙多九枚二乙必多

十八枚甲少九枚是一甲比二乙少二

枚也十七因作較數方程法算之以甲一為

正乙一為負多十八枚為正列於上又

甲一為正乙二為負少二十七枚為負

甲	乙	果
一正	一負	一入正
一正	二負	二七負

〇 一 四五

列於下因甲首色皆為一故不用互乘  
兩下相較則甲各一彼此減盡乙兩層  
皆負故相減餘一果一正一負故相加  
得四十五枚即為乙之果數如甲多十  
八枚得六十三枚即為甲之果數也若  
甲與乙九枚則甲餘五十四乙亦得五  
十四是甲與乙相等若乙與甲九枚則  
乙餘三十六甲得七十二是一甲與二  
乙相等也

此法用疊借互  
徵算之亦可

設如有田二千六百五十畝令上中下三等農夫分  
耕上等四十人中等五十人下等七十人上等比  
中等每人多七畝中等比下等每人多五畝問上  
中下三等每人各耕幾何

法以二千六百五十畝為和以多七畝  
多五畝為較如和較兼用三色方程法  
算之先以上等四十人中等五十人下  
等七十人共田二千六百五十畝列於  
上因為和數又上等一人為正中等一  
故不用號

上	中	下	田
四〇	五〇	七〇	二六五〇
一正	一負	〇	七正
四〇	五〇	七〇	二六五〇
四〇正	四〇負	〇	二八〇正
〇〇	九〇	七〇	二三七〇

人為負多七畝為正列於下無下等則作空以存  
 其乃以下上等一人遍乘上上等四十  
 人中等五十人下等七十人共田二千  
 六百五十畝仍得原數又以上上等四  
 十人遍乘下上等一人中等一人多七  
 畝得上等四十人為正中等四十人為  
 負多二百八十畝為正於是以上層為  
 主兩下相較則上等各四十人彼此減  
 盡中等五十人加四十人得九十人下

中	下	田
九〇	七〇	二三七〇
一正	一負	五正
九〇	七〇	二三七〇
九〇正	九〇負	四五〇正
〇〇	一六〇	一九二〇

等無可加減仍得七十人田二千六百  
 五十畝減二百八十畝餘二千三百七  
 十畝即中等九十人下等七十人共田  
 二千三百七十畝也  
因依本層故  
 仍以  
 中等九十人下等七十人共田二千三  
 百七十畝列於上  
因為和數  
 又中等一  
 人為正下等一人為負多五畝為正列  
 於下乃以下中等一人遍乘上中等九  
 十人下等七十人共田二千三百七十


中	下	田
九〇	七〇	二三七〇
一正	一負	五正
九〇	七〇	二三七〇
九〇正	九〇負	四五〇正
〇〇	一六〇	一九二〇

畝仍得原數又以上中等九十人遍乘  
 下中等一人下等一人多五畝得中等  
 九十人為正下等九十人為負多四百  
 五十畝為正兩下相較則中等各九十  
 人彼此減盡下等七十人加九十人得  
 一百六十人田二千三百七十畝減四  
 百五十畝餘一千九百二十畝即下等  
 一百六十人之共數也以下等一百六  
 十人除之得十二畝為下等每人所耕



之數加五畝得十七畝為中等每人所  
耕之數又加七畝得二十四畝為上等  
每人所耕之數也

此法本和數比例  
以方程算之亦可



御製數理精蘊下編卷十